

Atal honek 5 puntu balio ditu azterketaren globalean. 'KALKULU ORRIA'k eta 'ERANTZUN ORRIA'k dauzkazu. Erantzun orriko emaitzak kalkulatzeko eragiketak kalkulu orrian egin itzazu.

Lopeto S.L. enpresak ondorengo kontuen saldoak aurkeztu ditu 2019ko abenduaren 31an milaka eurotan:

<i>Kapital soziala</i>	<i>1300</i>	<i>Beste hartzekodunak</i>	<i>75</i>
<i>Ekitaldiko emaitza</i>	<i>50 (galerak)</i>	<i>Erreserbak</i>	<i>350</i>
<i>Bezeroen aurrerakinak</i>	<i>25</i>	<i>Merkatal funtsa</i>	<i>140</i>
<i>Bezeroak</i>	<i>400</i>	<i>I+Gren amortizazio metatua</i>	<i>80</i>
<i>Altxortegia</i>	<i>100</i>	<i>Makinaria</i>	<i>1200</i>
<i>I+G</i>	<i>200</i>	<i>Hornitzaileak</i>	<i>600</i>
<i>Lursailak</i>	<i>540</i>	<i>Aurreko urteetako ekitaldiko emaitzak</i>	<i>200 (irabaziak)</i>
<i>Lehengaiak</i>	<i>250</i>	<i>Aplikazio informatikoak</i>	<i>300</i>
<i>Makinariaren amortizazio metatua</i>	<i>240</i>	<i>Aplikazio informatikoen amortizazio metatua</i>	<i>60</i>
<i>Beste zordunak</i>	<i>150</i>	<i>Hornitzaileei aurrerakinak</i>	<i>50</i>
		<i>Pertsonalari aurrerakinak</i>	<i>50</i>

Gainera 5 urterako 500eko mailegu bat kontratatu du enpresak banketxe batekin %5eko interes-tasarekin. Amortizazio sistema konstantea da eta printzipalaren eta interesen ordainketa urteko azken egunean egingo da. Halaber, urtebeteko gabealdia negoziatu da.

Bestalde, 2020ko ekitaldian zehar ondoko gertaera ekonomikoak ezagutzen dira milaka eurotan:

- Urteko salmentak: 15.750
- Lehengaien erosketa: 15.000
- Lursailen erosketa: 130
- Enpresa murgilduta dago hainbat I+G proiektutan. Horien artean batek emaitza erabilgarriak enpresaren interesetarako lortu ditu. Proiektuan guztira 50 gastatu izan da uztailaren 1ean aktibatzeke erabakia hartu den arte.
- 525-eko Kapital sozialaren handipen bat egin behar izan du enpresak.
- Merkatal funtsaren narria 5ekoa izan da.
- Enpresak bere baliabide propioekin aplikazio informatiko bat garatu izan du departamendu komertzialaren kudeaketa hobetzearren. Gastua 100-ekoa izan da ta uztailaren 1ean hasi dira erabiltzen.
- Makinariaren narria 30ekoa estimatzen da urteko azken egunean bertan.
- Makinaria berria erosten da 300etan irailaren 1ean.
- Ekitaldiko garraio, energia eta pertsonala gastuak 170, 200, eta 300ekoak izan da, hurrenez hurren.

Bukatzeko, enpresaren 2020ko abenduaren 31an hainbat konturen saldoak ezagutzen ditugu: Lehengaiak 200; Hornitzaileak 900; Hornitzaileei aurrerakinak 100; Beste hartzekodunak 400; Bezeroak 600; Pertsonalari aurrerakinak 100; Bezeroei aurrerakinak 0; Beste zordunak 200; Altxortegia 400; Erreserbak 250.

Ondokoa eskatzen da:

1. 2019/12/31 datako balantzea (0,25 puntu)
2. 2020 ekitaldiko galdu-irabazien kontua, irabazien gaineko zergaren kalkulua eta, beraz, kreditu metatu fiskalak barne. (2,5 puntu)
3. 2020/12/31 datako balantzea (0,75 puntu).
4. 2018 ekitaldirako 2000ko balioa duen makina berria erosteko beste hainbesteko kapital sozialaren handitze berri bat egitea bururatu zaio enpresa buruari. Enpresariak 2018eko ekitaldian akzionista potentzial berrien inbertsioen aukera kostua zehar bataz bestez %7koa izango dela, bere enpresaren irabaziak 230ekoak eta enpresaren aktibo totalen balorazio 2020ko ekitaldikoaren pare mantenduko dela estimatzen du. Taxuzko zein argudio eman diezaioke enpresariak inbertsore berriei berean inbertitu dezaten? (1,5 puntu)